

2024

**RUANGMEI**

(Modern Indian Language)

Full Marks : 100

Pass Marks : 33

Time : Three hours

**Thaylou khang:**

- (a) Latthanv che hei kalangv padeih A, B, C khatnic D twna khaklangclou e.
- (b) Latthanv kaguayna tuang full marks nzat biak margin khou lyanlou e.
- (c) Latthanv kaguayna daw nina e.

**KALANGV - A**

(LATCHYAM / PROSE)

- 1. Latthanv guay hei latkaeng 50-60 dou khou daw o: 4×2=8
  - (a) Gaychangpou rui ntumei gaymei hei tabui-bui e twna saalou cho hy o.
  - (b) Tauhraenghluang namv tuang Chwncham Ngay lwnlung tei hy o.
- 2. Latthanv guay hei latkaeng 40-50 dou khou daw o: 3×3=9
  - (a) Niamhthayna nukuanc khou mwn bammei napguy lam khou hy o.
  - (b) Machunhna ryloumei khumhthai tei twkumh amaan kan cho?
  - (c) Gayriamang twkumh ringcthau dat kan tu cho?

P.T.O.

3. **Latthanv guay hei latkeang 25-30 dou khou daw o:** 2×3=6
- (a) Nowpuykeymei maansei guay tei tabui sw tina Ningthy raengebange khou zip nkhanvlou kan tu cho?
- (b) Adolescence Education tuang kuidwnmei kiang (goal) kanei hy o.
- (c) "Taanc Nimei taanv Taanc Chuyna Taanc o, Aliauh Riu" twmei thaydwan khou mbaanv damcloumei Racguange lwnlung kiu tabui cho?

4. **Latthanv guay hei latrian akhat khou daw o:** 1×2=2
- (a) Guilianneic thowramcmei cho?
- (b) "Nang hei ntumei luih mak ge cho!"  
Thow ta saapui lat cho?

**(LUCHYAM / POETRY)**

5. **Latthanv guay hei latkaeng 50-60 dou khou daw o:** 4×2=8
- (a) Nruna nac rui ryanraamei zawpuancriu kanmei guay tei Luchyamhymeit heilayna hy pat ro.
- (b) Kandih Gaanphiu rui maanseina khang gaengmei tiiloumei guay tei hypat ro.
6. **Latthanv guay hei latkaeng 40-50 dou khou daw o:** 3×3=9
- (a) "Ai di the twkumc luangckey pw the."  
Luchyamhymeit rui tabui zaeng Alangh duithuak hei 'Ai di the twkumc luangckey' e saa bam tu cho?
- (b) Zinghmei panty chaenglwan khou pui gaymei akhat rui tabui swlou cho?

(c) 'Mphang mak khe nchumhmei latzan'

Nruna nac rui mi mbaanv khou nchumhmei latzan mphang makmei tabui sw tina cho?

7. **Latthanv guay hei latkaeng 30-40 dou khou daw o:** 2×3=6

(a) Mpungbut khou Ntiangbw rui twkumh lungc cho?

(b) Thingbang rui maanseina khang nsaa tiime i kiu tabui-bui cho?

(c) 'Lat' twmei luchyam khou rui lat naithau kanmei duime i lwan hy o.

8. **Latthanv hei latrian akhat khou daw o:** 1×2=2

(a) "Lungc e khou tei kagai thayna"

Thow kagai thayna khou tei lungc bam tu cho?

(b) 'Pui Gaymei' Luchyamhyme i rui niang gaymei ta lev tabui ta kidaana saalou cho?

### KALANGV – B

#### (PAHMEI / READING)

9. **Latdangv hei pac lana latthanv guay hei latkaeng 25-30 lungc khou daw o:** 2×5=10

Ruangmei zaat hei Ravguangc ta lwmmei, kalummei zaat re. Kage thei layna Bamvbu c, Swang khatnic Kairau ta kalum e. Ruangmei zaat ravsic ta kalum mak ge. Ravsic ta khaeng e, nkhang e, nthau ganc e. Ruangmei zaat hei kakhwm kangai, kathouc karaengc geic e. Tingkwm ngguanh khang khwmngay khatnic thouh-raengh nai e.

Ruangmei tingkwm hei Baanraubw (March) khou kahouh e. Baanraubw khou

Laukeymei mung nai e. Mi tatei Baanrau rauhmei hamhethei Baalau lauhmei twna kaw e. Laukey rey liangpui nungc raenghbangc khou Baanrau thouc swlouna laupuk thange tatna phwnling thaathei key e. Baanrau thouc swmei hei Ravguangc Muc Charav Kandicmeipu latdanv thei layna taanccpat bam tuang e. Mi hei pumh sw nthan khang thouch sw tuang e. Chakaan charaa kuna khwmngayna, maku baanhruhna guak, guaih downa ze keyna pumh, phay-baanh sw-mphuamloumei guay tei sw-nthan khang thouch sw tuang e. Mi thouc swmei hei laupuk lauzaengc khou nap mazah karav karic maek khang e twna lwm e. Laupuk lauzaengc hei nthanmei taanv bamv e, maanseina mphuamna kumtaanc kumruaiclou ethei nap mazah karav karic sii e twna poupeih nunc rui lwm bam khwan e.

Ginkih Ngai hei Ginkihbw (April) khou sw e. Mi ngai khouhei Nappui Mucdunlu khatnic kairau guay khang nap-zouh thav e, tiipat re. Ruangmei nunc rui lwm e, rav hei gin lwn swna kai khou guang e. Kumhpui zaeng rui gin ta laalou thay o, kadum kadan thay o twmei hei puipu poupeih nunc lat re.

Maliang Ngai hei Maliangbw (May) khou sw e. Mi ngai hei phwnling thaatheilou kanmei tei lev kariang naina kalummei ngai e. Maliang thouc swmei hei napphwn nroukeyloumei tei thing row padak, tauh row padak patna thaupat khang, nkav nkit pamh mak khang, tamaeng pamh mak khang, kaphaeng kang kazik phui mak khang dui zuiclou khang, zikdui gay tuang, tingdui gay tuang tiilou khang thouch swna rav kalum tuang e. Mihei Maliang suai khoutei nthanna saalou e. Maliang Ngai khou Guhdui zangv e. Mi hei pumh gay khang, ravrih zangv kuak-duak khang e twna dinclou e. Maliang khou luaih pinc e. Luaih pinhmei hei ntumei lev nggaanvmei pinc akhiam e. Ntumei rui ngam rey ethei nap-bi taanctu gay e twna lwm e. Kum tina luaih pinhmei khou ntumei nunc ta ti-ngam rey e.

(a) Ruangmei zaat tabui ta kalummei zaat cho?

(b) Ruangmei zaat hei Ravsic ta tabui taanc guangmei zaat cho?

- (c) 'Baanrau rauhmei' twmei hei tabui cho?
- (d) Ginkih Ngai twkumh ngay cho?
- (e) Ruangmei zaat tuang tatnah riak khou **Luaih Pinhmei** rui nthukna tamhmei tabui cho?

10. **Kabangc khou tiiloumei latdangv hei pac lana**

- (a) Note kasiamh o. 3
- (b) Note khou tei rui Summary hypat ro. 3

Rih swmei rui gaeng tuang maek ge. Ningngam makmei rui mbuna lung h tuang de. Kalinga ric khou Guangh Ashok rui rih ngamlouna tabui gaengmei laatow kan bo, laatow kan mak ge. Kagaanv kanac ntamvlou kanmei, meicphaapatmei Kalingamei luc nunc rui ntamvmei mikdui lwanlaimei, kanac theic ntamv kanmei pui nunc rui siangdu siangdanna kahui kasing bammei khwan guay tihei chuna zaucna asaanh bam kho na cho twna ning khwan e. Heidikamv howgay kanmei rui padikmei Kalinga kandic tei tarou ngguanh the. Zei rui dui swna luangc the. Theihmei maansei pum guay nzuanphuangc bam the. Aniauc kiu thu meicrou meicruc rui padikmei tarou hei aniw phay backey nuh pwlak khe. Namhsiimei rym ruina maansei gut ngam dat ni tuang hamh the. Kalinga tuang rihmei na hamh the kasing thay dat ngam makmei Magadha ricmei nic rihbamv khou hei tingsaeng khang panty mutlou geic kan the. Rih ngamna neihlaa zaenggay bammei akandicmei maaansei nunc ni kapu kanac ntamvloumei ramrianraa rui chwensi zaengsina kap bam pwni the. Hei guayna zamh rih kapouc katiangc thow cho? Ashok, Guangh Ashok the. Rih ngam khou hei ai rui laatowmei thu kandih hamh e tihkic meicpingmei tarou hei de twna Guangh Ashok rui nkhamh khou kauc ndauh kan e.

**KALANGV – C**  
**(HYMEI / WRITING)**

11. **Tiiloumei latpy khou rui luchyam karian tachat khou hypat ro:** 4

(a) Mwnpwang

*Hamhethai*

(b) Luanghbut

12. Kagaluangc Pui Phwam, Khoupum tuang Secretary Luh Gaydymliu Gaengmei rui kakailuangcmei pui guay khou kailuangc daeng nkuaymei khou zouh zuanc nuh mak ge twmei notice akhat hy e. Mi notice kiu twkumh pwni cho ningna hypat ro. 4

13. **Kabangc khou tiiloumei latbamv hei tiiloumei Outlines sinswna Essay latkaeng 180-200 dou khou hy o.** 8

(a) Khwmngay

[ **Outlines:**Kahouhmei – tabui khwmngai – kuidwnmei – siimei lev gaymei – luailoumei ]

*Hamhethai*

(b) Makaamvmei rui Guangh tu pwni!

[ **Outlines:**Kahouhmei/tabui saa tuang cho – Tabui Guanghdic - Thow rui Guangh sw khang – luailoumei ]

14. Nang tuang School Magazine khou ndauh pat khang “Ntaw zuk khou Computer” twmei article akhat latkaeng 100-150 dou khou hy o. 8

*Hamhethai*

United Bank of India, Tamenglong Branch tuang Manager rui tithay patmei che akhat khou Bank Accountant taanvbamv khang kaw bam e. Mi taanv khang tei nang tuang bio-data kazauhmei taldyn akhat hy o.

**KALANGV – D**

**(LATRIAK / GRAMMAR)**

15. **Tiiloumei latthanv hei latrian/latkaeng/latchuam khou daw o.** 1×2=2
- (a) Ruanglat khwanlwan khou khwangwan azuh madanc cho?
- (b) Monophthong twmei tabui cho?
16. (a) “Guangh guay Guangc guang the.”  
Mi latrian khou ‘guang’ hei tabui khwangwan cho? 1
- (b) “Khwangwan madanhmei hei kungc dyng e!”  
Mi latrian khou ‘Khwangwan’ twmei hei tabui khwangwan cho? 1
17. **Tiiloumei latpaa hei sinswna latrian akhat-khat hy pat ro:** 1×2=2
- (a) Nkhav nggav
- (b) Tu-zangv
18. **Latthanv hei pac lana tiilou bammei latdaw padeih pangc khou rui nchumh liangmei latdaw kapah pat ro:** 1×4=4
- (a) “Chaengraan þaa thing riu.” Mi latchap kabac kiu thu
- (i) Rianguaih sw taekmei tw tuang e.
- (ii) Chaeng guangc tat dat ri tho tw tuang e.

- (iii) Riangruaih lwn thay kari mak sihnic nuh the tw tuang e.
- (iv) Chaeng guangc khou mphuammei nai e tat ri o tw tuang e.
- (b) "Ntanh taanv taanc tanhtanna atan tanc the."
- Mi latrian khou khwangwan madanhmei hei kaluan swna
- (i) Ruaknac khamvkhakh + bumkeymei + dingckumei + dingckumei e.
- (ii) Ruaknac khamvkhakh + bumkeymei + dingckumei + ruaknac khamvkhakh + dingckumei e.
- (iii) Ruaknac khamvkhakh + dingckumei + dingckumei + ruaknac khamvkhakh + dingckumei e.
- (iv) Ruaknac khamvkhakh + bumkeymei + bumkeymei + ruaknac khamvkhakh + dingckumei e.
- (c) "Alaih nac kamang chaapat mak ge" twmei kabac thu
- (i) Chanaa now kalwn gay hian e tw tuang e.
- (ii) Kamang hei kapumtan tanc liangmei khouring tina ngguanh mak ge.
- (iii) Zei hamhethei zaat kalaih mak ge tw tuang e.
- (iv) Alaih rui kamang ta ping liang e tw tuang e.
- (d) "Guaichangc suangc guaihpuang rui daic hian e."
- Mi latrian hei tabui degree cho?
- (i) Positive degree
- (ii) Comparative degree
- (iii) Superlative degree
- (iv) Nkhuai ngam de